

Morning Dogri (NSD) National News Bulletin 03-08-2024

आकाशवाणी

खबरां पूजा वजीर कोला।

1. प्रधानमंत्री नरेन्द्र मोदी होर अज्ज नमीं दिल्ली च राई-बाई सरबंधी अर्थ-शास्त्रिणं दे 32में अंतराष्ट्रीय सम्मेलन दा उद्घाटन करगन।
2. मुल्खै च माल समेयान पजाने दी समर्थ च होर सुधार लेई केन्द्र नै 8 महत्वपूर्ण हाई स्पीड आले राष्ट्री शिडक गलियारें गी मंजूरी दित्ती ऐ।
3. इस ब'रे 31 जुलाई तोड़ी रिकार्ड 7 करोड़ 28 लख लोकें 2024-25 आले माली ब'रे लेई अपना आईटीआर भरेआ ऐ।
4. अमरीका दी उपराष्ट्रपति कमला हैरिस होरें डेमोक्रेटिक पार्टी दी तरफा राष्ट्रपति दा नामांकन जित्ती लैता ऐ।
5. लक्ष्य सेन पैरिस ओलंपिक च बैडमिंटन दे सैमीफाइनल तोड़ी पुज्जने आला पैह्ला भारतीय खडारी बनी गेआ ऐ।
6. क्रिकेट च भारत ते श्रीलंका बश्कार कोलंबो च खेड्डेआ गेआ पैह्ला अंतराष्ट्रीय मैच टाई होई गेआ ऐ।

<><><><><><>

PM-Agri Conference

प्रधानमंत्री नरेन्द्र मोदी होरें अज्ज नमीं दिल्ली च कृषि अर्थशास्त्रिणं दी 32मीं अंतराष्ट्रीय कांफ्रेंस दा उद्घाटन करगन। इस मौके ओह मजूद कृषि अर्थशास्त्रिणं गी संबोधत बी करगन। एह सम्मेलन भारत च 65ए ब'रें दे वक्फे दे परैंत करोआया जा करदा ऐ। 6ए दिनें तोड़ी चलने आले इस सम्मेलन दा सरिस्ता कृषि अर्थ-शास्त्रिणं दे अंतराष्ट्रीय संगठन आस्सेआ त्रऊं-त्रऊं ब'रें बाद कराया जंदा ऐ ते एहदा विशयसारे ऐ टिकाऊ कृषि खाद्य बवस्था बक्खी बदलाव ते सुधार। एहदा मकसद जलवायु परिवर्तन, कुदरती संसाधनें-वसीलें दा घटना-घट्ट होना, उत्पादन दी लागत च बाद्धा ते तनाजे जनेइए अंतराष्ट्रीय चुनौतिएं

कन्ने असरदार एंगै सिर निबड़ना ऐ। इस सम्मेलन कन्नै नमें शोधकर्ताएं ते बड़्डे पेशेवर लोकें गी अपने उत्पादनं ते कम्मं गी अंतर्राष्ट्रीय मंच पर रखने दा मौका थ्होग। इस सम्मेलन च 75 मुल्लखें थमां तकरीबन 1 ज्हार प्रतिनिधिएं दे हिस्सा लैने दी मेद ऐ।

<><><><><><>

PM-Cabinet

प्रधानमंत्री नरेन्द्र मोदी होरें आखेआ ऐ जे 8 राश्ट्री हाई स्पीड शिड़क गलियारा परियोजना जिसी केन्द्री मंत्रिमंडल दी मंजूरी मिली चुकी दी ऐ, कन्नै देश दे आर्थिक विकास च खरा मता इजाफा होग ते रोजगार दे नमें मौके बी थ्होंगन। इनें परियोजनाएं दी लागत तकरीबन 50 ज्हार करोड़ रपे दस्सी गई ऐं इक सोशल मीडिया पोस्ट च श्री मोदी होरें आखेआ ऐ जे एह परियोजना विकसित भविष्य ते संगठित भारत बख्खी सरकार दी वचनबद्धता गी बी उजागर करदा ऐ। एह्दे शा पैहले आर्थिक मामले सरबन्धी केबिनेट कमेटी नै 7 सौ 36 किलोमीटर दी कुल लम्बाई आले, जिंदी लागत कुल 50 ज्हार 655 करोड़ रपे ऐ, नेही 8 महत्वपूर्ण राश्ट्री हाई स्पीड शिड़क गलियारा परियोजनाएं गी मंजूरी दितती। इनें गलियारा परियोजनाएं कन्नै जाम घट्ट लगगंन ते पूरे देश बश्कार आपसी शिड़क संपर्क बेहतर होग। कल नमीं दिलली च मीडिया गी जानकारी दिंदे होई केन्द्री सूचना ते प्रसारण मंत्री अश्विनी वैष्णव होरें आखेआ जे एह परियोजना 2047 दे विकसित भारत दी तर्ज पर गै तैआर कीती गेदियां न। इनें परियोजनाएं हेठ 88 किलोमीटर लम्मा 6-लेन आगरा-ग्वालियर राश्ट्री हाई स्पीड गलियारा बनाना-चलाना स्थानांतरित करने दे आधार पर 4 ज्हार 613 करोड़ रपे दी लागत कन्नै बनाया जाग। एह्दे च फोर-लेन खरगपुर-मोरग्राम राश्ट्री हाई स्पीड गलियारा बी शामिल ऐ। 231 किलोमीटर लम्मा 4 लेन हाई स्पीड गलियारा खरगपुर ते मोरग्राम बश्कार बनाया जाग जेह्दी लागत 10 ज्हार 247 करोड़ तैह कीती गई ऐ।

<><><><><><>

ITR

इस ब'रे 31 जुलाई तोड़ी रिकार्ड 7 करोड़ 28 लख लोकें 2024-25 माली ब'रे लेई अपना इंकम टैक्स रिटर्न यानि आईटीआर भरेआ ऐ। मंत्रालय नै इक ब्यानै च आखेआ जे पिछले ब'रे दे मकाबले इस ब'रे 7-5 फीसदी बद्ध लोकें अपना आईटीआर भरेआ ऐ। बाद्धू करदाताएं नमें टैक्स सरिस्तें गी अपनाया ऐ। कन्नै आखेआ कुल भरी गेदी 7 करोड़ 28 लख रिटर्न चा 5 करोड़ 27 लख रिटर्न नमें टैक्स सरिस्ते च भरियां गेइयां न। शड़े 2 करोड़ 1 लख

रिटर्नां गै पराने टैक्स सरिस्ते तैहत्त भरियां गोइयां न। इस ब'रे 31 जुलाई गी शड़े इक्कले ध्याड़े गै 69 लक्ख 92 ज्हार लोके आईटीआर भरेआ।

<><><><><><>

US

अमरीका दी उपराश्ट्रपति कमला हैरिस होरें डैमोक्रेटिक पार्टी आस्सेआ राश्ट्रपति दे औहदे लेई नामांकन जित्ती लैता ऐं डैमोक्रेटिक दी राश्ट्री कमेटी दे अध्यक्ष जैमी हैरिसन होरें घोशणा कीती ही कमला हैरिस होरें गी पार्टी दी तरफा राश्ट्रपति दा नामांकन जित्तने लेई डैमोक्रेटिक पार्टी दे प्रतिनिधिएं थमां जरूरी वोट हासल करी लैते न। उनेंगी 2 ज्हार 350 वोट थोए। पिछले म्हीने राश्ट्रपति जो बाइडेन होरें आखेआ हा जे अपना नामांकन वापस लेई लैने मगरा कमला हैरिस डैमोक्रेटिक पार्टी आस्सेआ राश्ट्रपति दे औहदे लेई नामांकन आली द्रौड़ च निविरोध खड़ोती दी हियां। कमा हैरिस अमरीका दी प्रमुख पार्टी दी तरफा राश्ट्रपति दा नामांकन हासल करने आली पैहली अश्वेत ते दक्खन एशिया दी पैहली महिला न। जेकर ओहू रिपब्लिक पार्टी दे मेदवार डोनाल्ड ट्रंप गी हराई दिंदियां न ते ओहू अमरीका दी पैहली महिला राश्ट्रपति होंगन।

<><><><><><>

President Visit

राश्ट्रपति द्रौपदी मुर्मू होर इस म्हीने दी 5 थमां 10 तरीक तोड़ी त्रै देशें दे दौरे पर जा'रदियां न, जिंदे च फीजी, न्यूजीलैंड ते तेमोर लेस्ते शामिल न। मीडिया गी कल दिल्ली च जानकारी दिंदे होई सचिव जयदीप मजुमदार होरें आखेआ जे राश्ट्रपति हुंदा फीजी ते तेमोर लेस्ते दा एहू पैहला दौरा ऐ। उनें आखेआ जे जदू दा प्रधानमंत्री मोदी होरें एक्ट ईस्ट पॉलिसी बनाई ऐ, तदू दा दक्खन पूर्वी एशिया ते पैसिफिक क्षेत्र भारत आस्तै खास ध्यान देने जोग बनी गे न। उनें दस्सेआ जे एहू त्रै देश एक्ट ईस्ट पॉलिसी दे शामिल न। राश्ट्रपति मुर्मू होर 5 थमां 7 अगस्त तोड़ी फीजी दौरे पर होंगन। इस दरान राश्ट्रपति होर फीजी दे राश्ट्रपति ते प्रधानमंत्री हुंदे कन्नै दक्खी बैठक करगंन। राश्ट्रपति होर फीजन संसद ते उत्थें रवा'रदे भारतीय गी संबोधत बी करगंन। राश्ट्रपति होर 8 ते 9 अगस्त गी न्यूजीलैंड दे दौरे पर होंगन। इस दरान उंदी गवर्नर ते प्रधानमंत्री कन्नै बैठक करने दा कार्यक्रम ऐ। राश्ट्रपति होर वैलिंग्टन च अंतराश्ट्रीय शिक्षा सम्मेलन गी बी संबोधत करगंन ते ऑकलैंड च भारती

नागरिकें गी बी संबोधत करने दा कार्यक्रम ऐ। मजुमदार होरें दस्सेआ जे न्यूजीलैंड नै भारत गी रक्षा ते सुरक्षा च अपने मुख् भागीदार दे रूपै च पंछान दित्ती ऐ। खीरै च 10 अगस्त गी राष्ट्रपति होर तेमोर लैस्ते जांगन ते राष्ट्रपति जोस रामोस हार्टा कन्नै बैठक करगंन।

<><><><><><>

ECI Visit

मुख् चुनां कमीशनर राजीव कुमार हुंदी अगुवाई च चुनां आयोग इस म्हीने दी 8 तरीक गी त्रऊं दिनें दे दौरे उप्पर जम्मू कश्मीर आवा'रदे न ते जम्मू कश्मीर च होने आले विधानसभा चुनाएं दी तैआरिएं दा जायजा लैग। इस दरान मुख् चुनां अधिकारी रिआसती पुलस, नोडल अधिकारी ते केन्द्रीय बलें दे मालमेल अधिकारी कन्नै बैठक आयोजत कीती जाग। अपने दौरे दरान आयोग श्रीनगर च सब्बने सियासी पार्टिएं कन्नै बी मलाटी करोग। इस दरान जिला चुनां अधिकारिएं सब्बने जिलें दे पुलस सुप्रीटेंडेंटें, मुख् सचिव ते डीजीपी कन्नै बी मलाटी दा प्रोग्राम ऐ। चुनां आयोग औंदी 10 अगस्त गी जम्मू च प्रेस कांफ्रेंस आयोजत करियै पत्रकारें कन्नै चुनां सरबंधी तैआरी दी जानकारी सांझी करोग। एह्दे शा पैहले हाल च गै होए दे लोकसभा चुनाएं च जम्मू कश्मीर दे लोकें बधी-चढ़ियै हिस्सा लैता हा। मुख् चुनां अधिकारी होरें गलाया जे लोकें दी सक्रिय भागीदारी नै इक साकारात्मक सारत दित्ती ऐ। इत्थें एह् दस्सना लाजमी ऐ जे सुप्रीम कोर्ट नै सितम्बर 2024 तगर जम्मू कश्मीर च विधानसभा चुनां कराने लेई आकखी दित्ते दा ऐ।

<><><><><><>

Olympic

पैरिस ओलंपिक च कल लक्ष् सेन नै बैडमिंटन दे मर्दे दे इक्कले मकाबले दे सैमी फाइनल च अपनी थाहर पक्की करी लेई ऐ। ओह् भारत दे पैहले बैडमिंटन खडारी बनी गे न, जिनें ओलंपिक खेड्डें च मर्दे दे इक्कले मकाबले दे सैमीफाइनल च प्रवेश कीता ए। लक्ष् सेना नै जंदी रातीं कवार्अर फाइनल मैच च चीन दे तायपी ची तीन चैन गी 19–21, 21–15, 21–12 कन्ने हराई दित्ता।

<><><><><><>

Cricket

क्रिकेट च जंदी रातीं पैह्ले इक दिवसीय अंतर्राष्ट्रीय मैच च भारत ते मेजबान श्रीलंका बश्कार मैच बिजन होर जीत दे फैसले दे टाई रेआ। श्रीलंका नै पैह्ले बल्लेबाजी करदे होई 8 विकेटें दे नुकसान उप्पर 230 रंज बना। लक्ष्य दा पिच्छा करदे होई भारतीय टीम 47.5 ओवरें च सारियां विकआं मुआइयै 230 रंन गै बनाई सकी। इस श्रृंखला दा दूआ मैच कल कोलंबो च खेड्डेआ जाग।

<><><><><><>